

# UGOVOR

## O AKADEMSKOJ, NAUČNOJ I POSLOVNO-TEHNIČKOJ SARADNJI

zaključen dana 14.12.2018. godine,  
između

1. **Visokoškolske ustanove Evropski univerzitet Brčko distrikt**, sa sjedištem u Brčkom, Bosna i Hercegovina, u ul. Bijeljinska cesta 72-74, čiji je zastupnik v.d. rektor akademik prof. dr. Nedeljko Stanković, s jedne strane ( u daljem tekstu: Univerzitet) i
2. **PZU „Alfa“ Brčko distrikt**, sa sjedištem u Brčkom, u ul. Uzunovića bb, čiji je zastupnik dr. Ivan Arsenović, s druge strane (u daljem tekstu: Zdravstvena ustanova).

### Član 1.

Ugovor je zaključen s ciljem međusobne saradnje dvije ustanove u budućem procesu obrazovanja, naučno-istraživačkog rada i drugih poslova u okviru registrovane djelatnosti.

### Član 2.

Ugovorne strane će nastojati da razvijaju međusobne veze prema principima zajedničke koristi, opšteg društvenog interesa, te zajedničke komplementarne djelatnosti visokog obrazovanja.

Ugovorne strane će uložiti najveće i iskrene napore da se ovaj ugovor realizuje na akademskom nivou.

### Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. ohrabrivanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata i
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

### Član 4.

Područje saradnje će uključivati bilo koje akademske i druge naučne odnose, stručne programe koji su akreditovani i registrovani u bilo kojoj od ustanova u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

Univerzitet je odgovoran za akreditaciju fakulteta u zemlji i inostranstvu. Zdravstvena ustanova može pomagati u tom procesu, ali odgovornost je isključivo na Univerzitetu.

#### **Član 5.**

Ugovorne strane obostrano izjavljuju da će Zdravstvena ustanova omogućiti obavljanje stručne prakse za studente Fakulteta zdravstvenih nauka Univerziteta na studijskim programima tog Fakulteta.

#### **Član 6.**

Stručna praksa studenata u Zdravstvenoj ustanovi obavljaće se po utvrđenom nastavnom planu i programu na I, II i III ciklusa studija Fakulteta zdravstvenih nauka Univerziteta.

#### **Član 7.**

Univerzitet će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse i dostaviti Zdravstvenoj ustanovi spiskove studenata.

Zdravstvena ustanova će studentima Univerziteta obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i provođenje mjera zaštite na radu i zaštite od požara prema važećim propisima.

#### **Član 8.**

Univerzitet je obavezan osigurati da svi studenti prije obavljanja stručne prakse izvrše obaveznu sanitarnu obradu i dostaviti o tome dokaz Zdravstvenoj ustanovi (sanitarna knjižica), te da imaju čiste uniforme i čistu obuću za vrijeme obavljanja stručne prakse u Zdravstvenoj ustanovi.

Zdravstvena ustanova će studente Univerziteta blagovremeno, na primjeren način, upoznati sa propisanim kućnim redom.

#### **Član 9.**

Mentora stručne prakse određuje Zdravstvena ustanova, pri čemu će, po mogućnosti, prednost dati zaposlenicima Zdravstvene ustanove koji su angažovani na Univerzitetu.

#### **Član 10.**

Univerzitet se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema opremi Zdravstvene ustanove ponašaju sa pažnjom dobrog domaćina.

Univerzitet je odgovoran za svaku štetu koju njegovi studenti pričine Zdravstvenoj ustanovi u toku obavljanja stručne prakse u prostorijama Zdravstvene ustanove.

Univerzitet je također obavezan osigurati studente za slučaj eventualne povrede u toku obavljanja stručne prakse u prostorijama Zdravstvene ustanove.

#### **Član 11.**

Ugovorne strane su se sporazumjele da će Univerzitet Zdravstvenoj ustanovi, na ime korištenja opreme, sredstava za rad, potrošnog materijala kao i ostalih materijala neophodnih za kvalitetno obavljanje stručne prakse, plaćati naknadu u iznosu od 200,00 KM po studentu

za stručnu praksu u trajanju od 30 dana, odnosno 100,00 KM po studentu za stručnu praksu u trajanju od 15 dana.

Naknadu iz stava 1. ovog člana Univerzitet će plaćati prije početka obavljanja prakse, a na osnovu fakture koju će Zdravstvena ustanova ispostaviti prema spisku studenata dostavljenom od strane Univerziteta u skladu sa članom 7. stav 1. ovog Ugovora.

#### Član 12.

Ovaj Ugovor se zaključuje na neodređeno vrijeme.

U periodu važenja Ugovora ugovorne strane imaju pravo isti otkazati ako Univerzitet blagovremeno ne isplati naknadu iz člana 12 ili zbog teže povrede ugovorne obaveze, uz obavezu da o namjeri otkazivanja pismenim putem obavijesti drugu ugovornu stranu najkasnije 30 dana prije dana s kojim namjerava otkazati Ugovor.

Ugovorna strana koja je pretrpjela štetu zbog neispunjenja obaveze druge ugovorne strane ima pravo na naknadu štete.

#### Član 13.

Ovaj Ugovor je zaključen u četiri (4) istovjetna primjerka, od kojih svaka ugovorna strana zadržava po dva (2) primjerka.

#### Član 14.

Ugovorne strane će eventualne sporove rješavati sporazumno.

Za Univerzitet

V. D. REKTOR

Akademik prof. dr. Nedeljko Stanković



Broj: 514-1/2018

Brčko, 14.12.2018. godine

Za Zdravstvenu ustanovu

DIREKTOR

Dr. Ivan Arsenović



Broj: 01-12/18

Brčko, 14. 12. 2018. godine